



TOSHKENT DAVLAT YURIDIK UNIVERSITETI REKTORINING B U Y R U G ' I

24.08.2023

142-um-son

Talaba (talabalikka tavsiya etilgan abituriyent)larni turar joy bilan ta'minlash ishlarini tizimli tashkil etish to'g'risida

O'zbekiston Respublikasi Vazirlar Mahkamasining 2023-yil 14-avgustdagi "Oliy ta'lim muassasalari talabalarini turar joy bilan ta'minlash tizimini takomillashtirish chora-tadbirlari to'g'risida"gi 376-son qarori, O'zbekiston Respublikasi oliy ta'lim, fan va innovatsiyalar vazirining 2023-yil 16-avgustdagi "Oliy ta'lim muassasalarida "Talabalarga tezkor ko'mak kunlari" chora-tadbirlarini amalga oshirish to'g'risida"gi 364-son buyrug'ida belgilangan vazifalar ijrosini ta'minlash, chekka hududlardan kelib Toshkent davlat yuridik universiteti (bundan buyon matnda – Universitet)da tahsil olayotgan talabalar (shu jumladan, talabalikka tavsiya etilgan abituriyentlar) uchun munosib shart-sharoitlar yaratish va ijtimoiy himoya qilish, ularning holidan doimiy xabardor bo'lib borish, talabalarni turar joy bilan ta'minlash tizimini yanada takomillashtirish bu borada ortiqcha ovvoragarchiliklarni oldini olish hamda Talabalar turar joyi (bundan buyon matnda – TTJ)ga joylashtirishda ijtimoiy adolat, tenglik, insonparvarlik, oshkoralikni va shaffoflikni ta'minlash maqsadida,

BUYURAMAN:

1. O'zbekiston Respublikasi Vazirlar Mahkamasining 2023-yil 14-avgustdagi 376-son qarori hamda O'zbekiston Respublikasi oliy ta'lim, fan va innovatsiyalar vazirining 2023-yil 16-avgustdagi 364-son buyrug'i ma'lumot va ijro uchun qabul qilinsin.

2. Vazirlar Mahkamasining qarori bilan quyidagilar belgilanganligi inobatga olinsin:

davlat oliy ta'lim muassasalarining talabalar turar joyiga joylashish faqat davlat xizmati markazlari va (yoki) O'zbekiston Respublikasi Yagona interaktiv davlat xizmatlari portali orqali elektron ariza berish yo'li bilan amalga oshirilishi hamda talabalarga navbatni onlayn kuzatish va to'lovlarni amalga oshirish imkoniyati yaratilishi;

talabalar bilan tuziladigan turar joy ijara shartnomalari davlat soliq xizmati

organlarida soliq to'lovchining shaxsiy kabineti orqali masofadan turib biometrik identifikatsiyalash (Face-ID) texnologiyasi orqali elektron shaklda real vaqt rejimida hisobga qo'yilishi;

1-kurs talabalarini talabalar turar joyiga joylashtirish ushbu qaror bilan tasdiqlangan ma'muriy reglament talablari asosida amalga oshirilishi;

2-kurs va undan yuqori kurs talabalarini talabalar turar joyiga joylashtirish an'anaviy tarzda amalga oshirilishi, bunda talabalar turar joyiga joylashish uchun ariza oliy ta'lim muassasasi talabalar turar joylariga joylashtirish komissiyasiga 2023-yil 25-avgustga qadar topshirishi;

2024/2025-o'quv yilidan boshlab barcha kurs talabalari uchun davlat oliy ta'lim muassasalari talabalar turar joyiga joylashish onlayn shaklda amalga oshirilishi, bunda talabalar turar joyiga joylashish uchun ariza berish 1-avgustdan boshlab o'quv yili yakuniga qadar davom etishi belgilanganligi;

quyidagi toifadagi talabalar ustuvorlik asosida talabalar turar joylariga qabul qilinishi belgilanganligi;

"Mehribonlik uylari" tarbiyalanuvchilari, yetim va ota-ona qaramog'idan mahrum bo'lgan talabalar;

"Ijtimoiy himoya yagona reyestri", "Temir daftar" va "Ayollar daftari"ga kiritilgan ijtimoiy himoyaga muhtoj oilalarning farzandlari hamda "Yoshlar daftari"da turadigan talabalar;

I va II guruh nogironligi bo'lgan talabalar;

bir oiladan bakalavriat bosqichi kunduzgi ta'lim shaklida ikki yoki undan ortiq to'lov-shartnoma asosida o'qiyotgan oilalar farzandlari;

xalqaro fan olimpiadalari, O'zbekiston Respublikasi Oliy ta'lim, fan va innovatsiyalar vazirligi tomonidan o'tkaziladigan respublika fan olimpiadalarida g'oliblikni qo'lga kiritgan talabalar;

"Yil talabasi" va "Talabalar teatr studiyalari" ko'rik-tanlovlarining respublika bosqichi g'olibi bo'lgan talabalar;

oliy ta'lim muassasalari talabalari o'rtasida o'tkazilgan "Zakovat" intellektual o'yinining respublika bosqichida g'oliblikni qo'lga kiritgan talabalar;

talabalar turar joyida talabalar kengashi raisi, qavat sardori bo'lgan talabalar.

3. Universitetda talabalarni turar joy bilan ta'minlash ustuvor vazifa etib belgilansin hamda 20-avgustdan – 20-sentabrga qadar "Talabalarga tezkor ko'mak kunlari" sifatida belgilansin.

4. TTJ boshqaruvini samarali tashkil etish, talabalar holi va yashash sharoitidan muntazam xabardor bo'lishning samarali tizimini yaratish hamda o'zi-o'zi boshqarishning mexanizmlarini joriy qilish maqsadida TTJ talabalarni joylashtirishda binolar quyidagi tartibda taqsimlansin:

Olmazor tumanidagi 1-son TTJ (292 o'rinli) binosi Jinoiy odil sudlov fakultetiga;

Olmazor tumanidagi 2-son TTJ (297 o'rinli) binosi Xalqaro huquq va qiyosiy huquqshunoslik fakultetiga;

Uchtepa tumanidagi 3-son TTJ (548 o'rinli) binosi Ommaviy huquq,

Xususiy huquq fakultetlariga.

5. Quyidagilar:

Universitetda tahsil oladigan 2-kurs va undan yuqori kurs TTJga ehtiyoji bor bo'lgan talabalarini 2023-yilning 14-avgustiga qadar digital.tsul.uz platformasi orqali elektron tarzda belgilangan mezonlar asosida TTJga joylashtirilganligi;

iyul-avgust oylari davomida Toshkent shahri va viloyatida xonadonini ijaraga beradigan fuqarolar bilan muloqot qilgan holda ijara xonadonlarining ro'yxati shakllantirilganligi;

Universitet 3-binosida talaba (shu jumladan, talabalikka tavsiya etilgan abituriyent)larni turar joy bilan ta'minlash bo'yicha ma'lumotlar markazlari (infokioskalar) tashkil etilganligi inobatga olinsin.

6. Talabalarni turar joy bilan ta'minlash bo'yicha tezkor shtab tarkibi 1-ilovaga, talabalarga TTJ va ijara xonadonlari bo'yicha ma'lumot berish bo'yicha tashkil etilgan markazga navbatchilik jadvali 2-ilovaga muvofiq tasdiqlansin.

7. Fakultet dekanlari:

TTJ bino taqsimotiga to'liq amal qilgan holda eng ehtiyojmand oila farzandi bo'lgan talabalarni birinchi navbatda TTJga joylashtirish choralarini ko'rsin;

turar joyga ehtiyoji bor bo'lgan talabalar sonining oshib borayotganligi munosabati bilan Toshkent shahri va Toshkent viloyatining uncha uzoq bo'lmagan hududlaridagi xonadonini ijaraga beradigan fuqarolar bilan, xorijiy va xususiy oliy ta'lim muassasalarining Talabalar turar joylari hamda mehmonxona uylar (hosteller) bilan muloqot qilib arzon va sifatli talabalarga tavsiya etish, ularga talabalarni joylashtirish choralarini ko'rsin;

talabalarga TTJ va ijara xonadonlari haqida ma'lumot berish bo'yicha tashkil etilgan markaz faoliyatiga fakultet mas'ullari hamda ko'ngilli talabalarni jalb qilish, ularga TTJga joylashish tartibi va ijara xonadonlari to'g'risidagi barcha ma'lumotlarni yetkazish, ularning faoliyatini muvofiqlashtirib borsin;

TTJga va ijara xonadonlariga joylashtirilgan talabalar statistikasini yuritish va kunlik ma'lumotlarni Universitet tezkor shtabi mas'ul kotibi N.Shayzakovga taqdim etib borilishini nazorat qilsin;

Vazirlar Mahkamasi qarori bilan belgilangan TTJga joylashtirish bo'yicha imtiyoz beriladigan me'zonlar bilan birgalikda universitetga o'qishga tavsiya etilgan talabalarni ham TTJga joylashtirish choralarini ko'rsin va TTJ bino boshliqlari bilan birgalikda ularning TTJda istiqomat qilishi uchun munosib shart-sharoitlar yaratish choralarini ko'rsin;

TTJ taqsimlanmagan, boradigan joyi yo'q talabalar va ularning ota-onalarini ijara xonadonlariga joylashgunga qadar vaqtinchalik yotoqxonalarga joylashtirish choralarini ko'rsin;

turar joy bilan ta'minlashda uzoq navbatlar hosil bo'lishi va talabalarining ota-onalarida noroziliklar yuzaga kelishining oldini olish maqsadida zarur chora-tadbirlarni ko'rsin.

8. Moliya-iqtisod masalalari bo'yicha prorektor A.Iminov:

Olamzor tumanidagi 1-2-son TTJda qurilish ishlarini 2023-yilning 30-avgust

sanasiga qadar yakunlanishini nazoratga olsin;

Uchtepa tumanidagi 3-son TTJni yangi o'quv yiliga talabalarni qabul qilishga tayyor holga keltirish choralari ko'rsin;

talabalar uchun yashash sharoiti yaxshi bo'lgan va narxi qimmat bo'lmagan mehmonxona-uylar (hosteller) topib ularning oylik to'lovining qoida tariqasida yarmini belgilangan tartibda to'lab berish tartiblarini ishlab chiqsin.

9. Mazkur buyruq ijro nazoratini o'z zimmamda qoldiraman.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Direktor

SH.PO‘LOTOV



Kelishildi:

Moliya-iqtisod ishlar bo‘yicha
prorektor

A.IMINOV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

D.KAMALOVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

D.UMARXANOVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

B.MUSAYEV



Bo‘lim boshlig‘i

S.MAMANAZAROV



yuriskonsult

D.ALIBOYEV

